

ՀԱՅՏԱՐԱՐՈՒԹՅՈՒՆ

Տարածքային կառավարման և ենթակառուցվածքների նախարարությունը (այսուհետ՝ Նախարարություն) հայտարարում է Նախարարությունում փորձագետ ներգրավելու մասին

Տարածքային կառավարման և ենթակառուցվածքների նախարարության երկաթուղային, ջրային և օդային տրանսպորտի քաղաքականության վարչության փորձագետ

Աշխատանքների համառոտ նկարագրությունը՝

1) Ավիացիոն պատահարների և լուրջ միջադեպերի քննության աշխատանքները կանոնակարգող փաստաթղթերում փոփոխություններ և լրացումներ կատարելու վերաբերյալ ուսումնասիրությունների իրականացում և առաջարկությունների ներկայացում,

2) ավիացիոն պատահարների և լուրջ միջադեպերի քննություն իրականացնող խմբերում ներգրավվում,

3) ավիացիայի բնագավառում ներպետական իրավասու կառույցների աշխատանքներին մասնակցություն, ռիսկերի ուսումնասիրությունների, վերլուծությունների իրականացում, դրանց վերաբերյալ համապատասխան հաշվետվությունների և առաջարկությունների ներկայացում:

Փորձագետ ներգրավելու ժամկետը՝ տասնմեկ ամիս:

Փորձագետի պարտականությունները՝

1. Բարեխղճորեն կատարել աշխատանքային պայմանագրով ստանձնած աշխատանքները:

2. Պահպանել համապատասխան մարմնում սահմանված ներքին կարգապահական կանոնները, աշխատանքային կարգապահությունը:

3. Պահպանել աշխատանքի պաշտպանության և անվտանգության ապահովման միջոցները:

4. Իրականացնել աշխատանքային օրենսդրությամբ, «Հանրային ծառայության մասին» օրենքով և աշխատանքային պայմանագրով իրեն վերապահված այլ պարտականությունները:

Փորձագետին ներկայացվող պահանջները՝

1) միջնակարգ կրթություն, ավիացիայի բնագավառում՝ թռիչքային գործունեության կամ օդային երթևեկության կազմակերպման կամ ավիացիոն անվտանգության կամ ֆինանսական և տնտեսագիտական աշխատանքի՝ առնվազն հինգ տարվա աշխատանքային փորձ.

2) գործնական փորձ ու խորը մասնագիտական գիտելիքներ,

3) իր լիազորությունների հետ կապված անհրաժեշտ իրավական ակտերի իմացություն, տարբեր իրավիճակներում կողմնորոշվելու ունակություն,

4) վերլուծությունների, առաջարկությունների, հաշվետվությունի, իրավական ակտերի նախագծերի կազմման փորձ,

5) անվտանգությանը վերաբերվող խորհրդատվություն տալու, պատահարի վերաբերյալ վերջնական զեկույց մշակելու փորձ,

6) անհրաժեշտ տեղեկատվության տիրապետում,

7) ռուսերեն և անգլերեն լեզուների ազատ տիրապետում,

8) համակարգչով և ժամանակակից այլ միջոցներով աշխատելու ունակություն:

Դիմումների ընդունման վերջին ժամկետն է՝ 14.02.2020թ.

Աշխատանքի վայրը՝ ք. Երևան, Հանրապետության հրապարակ, Կառավարական տուն 3
հեռ. 010-511-355, 010-511-357, Էլ. հասցե՝ <http://mtad.am>

Չի թույլատրվում հավակնորդի հետ պայմանագիր կնքել, եթե տվյալ անձը պաշտոնից ազատվել կամ տվյալ անձի ծառայությունը վերջին մեկ տարվա ընթացքում դադարեցվել է կարգապահական տույժ կիսառելու, օրենքով սահմանված փորձաշրջանը չանցնելու, օրենքի խախտմամբ պաշտոնի նշանակվելու, «Հանրային ծառայության մասին» Հայաստանի Հանրապետության օրենքով սահմանված անհամատեղելիության պահանջները չպահպանելու, Հայաստանի Հանրապետության քաղաքացիությունը դադարեցնելու, ուժի մեջ մտած՝ նրա նկատմամբ կայացված մեղադրական դատավճռի դեպքերում, բացառությամբ այն դեպքերի, երբ նշանակվել է տուգանք, ինչպես նաև երկու տարի անընդմեջ իր մեղքով վերապատրաստման անհատական ծրագրով հաստատված կրեդիտները չստանալու դեպքում:

Դիմող ՀՀ քաղաքացիները պետք է ներկայացնեն հետևյալ փաստաթղթերը՝

- դիմում Նախարարության գլխավոր քարտուղարի անունով (դիմումը լրացվում է փաստաթղթերը ներկայացնելիս),
- հայտարարություն ՀՀ կառավարության 02.08.2018թ. N 878-Ն որոշմամբ հաստատված կարգի 13-րդ կետով նախատեսված սահմանափակումների բացակայության մասին (հայտարարությունը լրացվում է փաստաթղթերը ներկայացնելիս),
- տվյալ աշխատանքին անցնելու համար մասնագիտական գիտելիքների և աշխատանքային ունակությունների տիրապետման տեսանկյունից ներկայացվող պահանջների բավարարումը հավաստող փաստաթղթերի՝ վկայականի /ների/, աշխատանքային փորձի մասին վկայող փաստաթղթի (հրաման, տեղեկանք, հավաստագիր) պատճենները բնօրինակների հետ միասին,

- արական սեռի անձինք՝ նաև զինվորական գրքույկի կամ դրան փոխարինող ժամանակավոր զորակոչային տեղամասից կցագրման վկայականի պատճենները՝ բնօրինակի հետ միասին, կամ համապատասխան տեղեկանք,
- մեկ լուսանկար 3+4 սմ չափսի,
- անձնագրի կամ նույնականացման քարտի պատճենը:

ՀՀ քաղաքացին փաստաթղթերը ներկայացնում է անձամբ:

Փաստաթղթերն ընդունվում են ամեն օր՝ ժամը 9.30-ից մինչև 12.30-ը, բացի շաբաթ և կիրակի օրերից: